




Profil Económico



Jonathan Vieira

Film Festival dianan July 2 – 6



Despues di Film Festival di aña pasa, esaki a tuma un buelta menos agradabel momento cu a bira conoci cu e organisacion a keda cu mas di 1 miyon florin na debe, y e aña aki huez a declara e organisador Jonathan Vieira bancarota. ATA a financia e proyecto aki cu 500 mil florin, pero e aña aki no ta participa.

Motibo pa un Film Festival na Aruba

Den un combersacion ameno cu Profil Economico, Jonathan Vieira a splica e motibo pakiko e ta kere den un Film Festival pa Aruba y su spinn-off efect. Segun Jonathan e kier yuda crea un industria hopi importante cu por stimula e economia di Aruba riba un escala hopi grandi. Entre otro e spinn-off effect cu servicio di catering, handyman, kamer di hotel, restaurant, tiendanan y tur otro cu ta bin na remarca den realizacion di e proyecto di por ehemplo graba un film na Aruba. Aserca ta bin cu den e sistema di educacion ta crea empleo pa salario abao of mediano manera den horeca na unda tin empleonan cu ta paga salario minimo. Otro sectornan, si wak cu den abogacia ta uno satura, ta resta accounting, oficina y esey ta tur. E industria di arte aki ta inclui entre otro diseño grafico, diseñador di moda y otro, maquillaje, editor, escritor, camarografo, fotografo, artista mientras e sector aki ta asina amplio y ta brinda mucho mas. E film festival ta ofrece dos

plataforma; un intercambio cultural, na unda cu nos cultura ta wordo exponi den prensa internacional y di dos pa crea un industria nobo na Aruba.

Con ta hiba mercadeo?

Mirando cu e aña aki no ta conta cu e fondo di ATA di mei miyon florin, e realizacion di e Film Festival ta draai puramente riba sponsorship particular. E Film Festival cu ta tuma lugar dianan 2 – 6 July 2013 na Palm Beach Plaza, lo ricibi prensa internacional na un manera magno cu presencia di Paul Verhoeven kende lo bay tin world premier di Hot Flashes. Paul Verhoeven, un hulandes conoci pa su pelicula Robo Cop y Basic Instinct lo ta na Aruba na unda cu tin oportunidad pa participa den un charla cune. Hot Flashes ta wordo protagonista pa Brooke Shield, kende cu pa motibo di compromiso di trabao, no por ta presente na Aruba y co-actriz Virginia Madsen lo ta na Aruba durante e festival aki. Como prensa internacional por conta cu presencia di BBC, Holliwood Reporter, HBO, E-News, Reuters, Caribbean News, Reporters United y mucho mas.


E industria kisas no por bay reemplaza e ingreso cu Valero ta duna caha di gobierno cu ta rond di 112 miyon florin, pero practicamente mayoria servicio lo disfruta di e festival aki, momento cu e industria aki sigui crece y logra grabacion di un pelicula cu un budget den decimonan di miyon di dollar. Fritz Israel ta encarga cu mercadeo cu pa gran parti ta via social media.



Vision pa e Film Festival

Ta intencion pa haci di e Film Festival un centro di distribucion di pelicula, pues cu canalnan di television den regio y otro servicio por cumpra e pelicula, serie of programa na Aruba.

Asina productornan local por goza di e beneficio aki y asina aki por hinca produccionnan local den e big stream di produccionnan internacional. Lo por haci screening di e peliculan obtenibel. E return of in-



vestment lo ta uno hopi grandi y por bisa cu tin sosten local pa sigui desaroya y realiza e film festival aki.

Bancarota di Jonathan

Huez di corte den prome instante a declara e organisador di Aruba Film Festival bancarota. Segun Jonathan esaki no tin ningun consecuencia pa organisacion di e film festival. Como declara bancarota no ta obliga di paga e creditornan, loke ta pasa ta cu e curator lo pone beslag riba propiedad personal of di negoshi y asina reparti esaki bao di e creditornan. Sinembargo como persona responsabel a tuma iniciativa y a papia cu e 166 creditornan y a logra paga 88

caba y falta 78, segun Jonathan ta su prioridad di cumpli cu tur hende. For di propio forza a paga 120 mil florin di e debe di 1.4 miyon florin, pues a keda un debe di mas o menos 900 florin. Pago na e creditornan ta prioridad serca Jonathan ela remarca.

Un 'reporter' den su revista a cuestiona Jonathan su trabao como director di Cas di Cultura, algo cu no ta cuadra comokiera cu su persona a logra duplifica entrada pa dicho fundacion como director y ta cumpli cu su empleo cabalmente. Film Festival ta un cos y su trabao diario ta otro responsabilidad, algo cu satisfaccion e ta cumpli debidamente.